

瑜伽師地論義演卷第三十二

素

覺山明教院少門

澄淨

述

論卷第一

午巳下

論世尊至閒雜漆法

演日

十二明六度閒雜漆法文中分二初問後答此初問也

論善男子至遠離失壞

演日後答易知

論世尊至

非方便行

演日十三明六度非方便行文分為二初

問後答此初問也

論善男子至名實饒益

演日後

答分二初正明非方便後因示具方便初中分二初彰

法說後舉喻明此初也

論辟如糞穢至今成香潔

演日後舉喻明文分為二初與喻後法合此初也

論

如是衆生至可令成樂 演日後法合也 論唯有安

處至第一饒益 演日後因示真方便 論世尊至有

幾清淨 演日十四明六度惣別清淨文中分二初問

後答此初問也 論善男子至清淨之相 演日後答

分二初標舉惣答後依標別釋此即初也上五相者即

無染著等五相通六度故 論惣說一切至當知七種

演日後依標別釋文中分二初惣後別惣中分三一標

二徵三釋此初標也 論何等爲七 演日二徵 論

一者菩薩至嫉妬慳恡 演日三釋 論別說一切至

亦有七種 演日後別中分三一標二徵三釋此初標

也論何等爲七演曰二微論謂諸菩薩至施清淨
相演曰三釋有六一明布施七種清淨二明持戒七
種清淨三明忍辱七種清淨四明精進七種清淨五明
靜慮七種清淨六明智慧七種清淨初中有三標釋及
結如文易知論又諸菩薩至戒清淨相演曰二明
持戒七種清淨文中有三標釋及結釋中有七一能善
了知至一切學處二能善了知出離所犯三具常尸羅

瑜伽師地論義演卷第三十二 第三張

素

即常守戒也四堅固尸羅即堅固守戒五常作尸羅即
常作持戒六常轉尸羅即常隨轉戒七受學一切所有

學處 論若諸菩薩至忍清淨相 演曰三明忍辱七

種清淨文中有三標釋及結釋中有七一於自所有乃至不恐不弄深信業果二不以種種乃至反相加害三

懷怨結四若諫誨時不令恚惱五亦復不待他來諫

誨六不由恐怖乃至而行忍辱七不以作恩而使放捨

論若諸菩薩至清淨之相 演曰四明精進七種清淨

文中有三標釋及結釋中有七一通達精進平等之性

二不由勇猛勤精進故自舉陵他三具大勢力四具大

精進五有所堪能六堅固勇猛七於諸善法終不捨輒

論若諸菩薩至清淨之相 演曰五明靜慮七種清淨

文中有三標釋及結釋中有七一有善通達三摩地靜
慮二有圓滿三摩地靜慮三有俱分三摩地靜慮四有
運轉三摩地靜慮五有無所依三摩地靜慮六有善修
治三摩地靜慮七有於菩薩藏乃至三摩地靜慮 論
若諸菩薩至清淨相 演曰六明智慧七種清淨文中
有三標釋及結釋中有七一遠離增益損減乃至三解
脫門二如實了知乃至三種自性三如實了知乃至三
種無自性性四如實了知乃至於五明處五如實了知
乃至於七真如六又無分別乃至多所住故七無量摠
法乃至法隨法行 論世尊至各有何業 演曰十五

明五相有五種業文中分二初問後答此初問也 論
善男子至正等菩提 演曰後答分二初標後釋如文
可知 論世尊至最清淨 演曰十六明六度五義分
別文中有二初問後答此初問也 論善男子至名最
清淨 演曰後答意云前五相中三名最廣大二名無

瑜伽師地論義演卷第三十二第三 素 素

染汚修六度時思擇爲先故最明盛大地已上名不可
動因地行滿果位智圓名最清淨 論世尊至亦無有
盡 演曰十七明六度因果無盡文中分二初問後答
此初問也 論善男子至無間斷故 演曰後答可解

論世尊至諸果異熟 演曰十八明修因非果異熟文中分二初問後答此初問也 論善男子至變壞法故演曰後答也 論世尊至最勝威德 演曰十九明六度各四威德文中分二初問後答此初問也 論善男子至諸果異熟 演曰後答也 論世尊至有何義利 演曰二十明六度因果義利文中分二初問後答此初問也 論善男子至爲大義利 演曰後答易知 論世尊至貧窮可得 演曰二十一明資財具闕由業文中分二初問後答此初問也 論善男子至貧苦可得演曰後答分二初彰法說後舉喻明此初也 論譬如

鬼至自業過耳 演曰後舉喻明文中有二初舉喻
後法合此初喻也 論如是菩薩至今無有果 演曰
後法合也 論世尊至無自性性 演曰二十二明慧
度取法無性文中分四一問二荅三徵四釋此初問也
論善男子至無自性性 演曰二荅以般若取真如時
無橫執性名取諸法無性 論世尊至有自性性 演
曰三徵真如之體離有離無既許取其無性何故不許
取其有性 論善男子至無自性性 演曰四釋我終
不說以般若無自性性能取無自性性然無自性性離
諸文字唯自內智所證不可捨離於言說文字而能宣

說無自性性是故我說般若離能取故能取諸法無自性性 論世尊至波羅蜜多 演曰二十三明三種波羅蜜多文中有二初問後答此初問也 論善男子至

瑜伽師地論義演卷第三十二 第四張

素

大波羅蜜多 演曰後答若諸菩薩經無量時修行施等成就善法而諸煩惱猶故現行未能制伏然被煩惱伏謂於地前所修未成上品但是劣品中品勝解轉時即一行中修一行是名波羅蜜多復於無量時修行施等漸復增上成就善法而諸煩惱猶故現行然能制伏非彼煩惱所伏謂從初地已上即一行中修一切行近

菩提故名近波羅蜜多復於無量時修行施等轉復增
上成就善法一切煩惱皆不現行謂從八地已上即一
切行中修一切行是名大波羅蜜多 論世尊至可有
幾種 演曰三明地中所有煩惱文中分四一明煩惱
害伴等三二羈皮等三麤重斷三彰能斷麤重劫數四
顯地中煩惱失德初中有二初問後答此初問也 論
善男子至爲依止故 演曰後答一者害伴隨眠謂前
五地諸不俱生現行煩惱是俱生煩惱現行助伴彼於
余時永無復有此意說言第六識俱身見等攝說名俱
生所餘煩惱名非俱生然體稍麤因彼而起由彼斷故

此亦隨無故名害伴二者羸劣隨眠謂第六七地微細
現行若修所伏不現行故非俱生身見斷此亦隨滅稍
難斷故三者微細隨眠謂於第八地已上從此已去一
切煩惱不復現行唯有所知障爲依止故 論世尊至
斷所顯示 演曰二辯皮等三羸重斷文中有二初問
後答此初問云此害伴等三種隨眠由幾羸重斷所顯
示 論善男子至位在佛地 演曰後答但由二種羸
重斷所顯示謂由初地已斷皮羸重故方可顯得初二
隨眠位復由第八地在膚羸重斷故顯彼第三微細隨
眠位若在於骨羸重斷者我說永離一切隨眠位在佛

地論世尊至如是麤重 演曰三章能斷麤重劫數

瑜伽師地論義演卷第三 第五張 素字号

文中有一初問後答此初問也 論善男子至不可數
故 演曰後答經於三大不可數劫者此依大劫算數
方便超過一切算數之量亦說名為無數大劫言或無
量劫所謂年月等者此依日夜月半月等算數方便時
無量故亦說名為無數大劫如四十八已廣說訖 論
世尊至何失何德 演曰四顯煩惱無失有德文中分
三一問二答三讚此初問也 論善男子至無量功德
演曰二答攝論第十亦說煩惱伏不滅如毒呪所害留

惑至惑盡證佛一切智 論甚奇世尊至無量功德

演曰三讚可解 論世尊至此何密意 演曰四釋唯

說一乘密意文中有二初問後答此初問也 論善男

子至或外六處 演曰後答文中有四一於聲聞說乘

差別二於菩薩說乘無別三敘異計妄興諍論四結密

意答前所問此即初也 論如是等類至差別性 演

曰二於菩薩說乘無別如是等類者即前五蘊等於聲

聞乘中應機隨事說有差別於大乘中據實理趣唯是

一乘故佛不說乘差別性 論於中或有至遶興諍論

演曰三敘異計妄興諍論於中或有一類聞說乘之差

別如言於義妄起分別佛說下乘上乘定有差別名爲
增益或有一類聞說五蘊等於大乘中即說彼法同一
法界同一理趣無差別性如言於義妄起分別佛唯說
有一乘定無餘乘名爲損減又於諸乘差別道理更互
相違如是展轉遞興諍論 論如是名爲此中密意
演曰四結密意答前所問佛於聲聞乘中應機隨事即
有差別於大乘中同歸真理唯是一乘故佛不說差別
乘性如是名爲此中密意 論今時世尊至成乘諍
演曰後以頌結成諸地攝者頌初攝義想者謂觀想頌

諸地名所對治者頌二十二愚癡十一麤重殊勝者頌
八清淨生者頌菩薩生勝願者頌菩薩行廣大願及諸
學者頌布施六度由依佛說是大乘於此善修成大覺
者勸依上辯佛說大乘善修成佛宣說諸法至成乖諍
者頌如我於彼乃至名為此中密意 論世尊至云何
奉持 演曰二立經名文中有二初問後答此初問也
論善男子至汝當奉持 演曰後答 論說此諸地至
三摩地 演曰三時衆得益 論復次即依至成所作
事 演曰七成所作事文中有二初標後釋此初也
論當知如解深密經中 演曰後釋分二初標說處後

引經釋此初也 論毘殊室利至有何等相 演日後
引經釋文中有三一辯三身義二請立經名三時衆得
益初中分爲一十四段一明求如來法身之相二明二
乘轉依不名法身三明如來化身作業四明化身方便
善巧五明如來言音差別六明不共陀羅尼義七明如
來心生起之相八明化身有心無心九明如來所行如
來境界二種差別十明如來成等正覺轉正法輪入大
涅槃三種皆無二相十一明如來法身遠生他福十二
明佛法身放光出像二乘解脫之身無如來事十三明
佛菩薩威德住持若道若行令諸有情身財圓滿十四

明穢土八事易得二事難得淨土。此初中有二初問後答。此初問也。梵云曷殊室利。此云妙吉祥。舊言文殊師利音訛也。鵞嶺摩羅經言是北方常喜世界歡喜藏摩尼寶積佛。諸有聞名敬礼歸命種種事業菩薩皆能爲作吉祥之事。神用無比。名妙吉祥。論佛告曷殊至有所爲故。演曰後答可解。論世尊至不名法身。

演曰二明二乘轉依不名法身。文中有一問二答三

瑜伽師地論義演卷第三十二第七張

素字号

徵四釋此初問也。論善男子至不名法身。演曰二

答。論世尊當名何身。演曰三徵。論善男子至所

不能及 演曰四釋此說二乘二轉依果菩提涅槃皆

名解脫身離煩惱障得故如來所得二轉依果菩提涅槃
盤合名法身無量功德勝所依故成唯識云安樂解脫
身大牟尼名法 論世尊至生起之相 演曰三明如

來化身作業文中有二初問後答此初問也 論善男

子至無有生起 演曰後答一切如來化身作業者此

明他受用身及變化身生起之相文略不辯自受用身

如世界起者如三千大千世界起時一切衆生種類共

感所起化身亦復如是一切衆生種類共感如來化身

功德所起之相餘文易知 論世尊至方便善巧 演

曰四明化身方便善巧文中分二初問後答此初問也
論善男子至方便善巧 演曰後答此明八相成道文
中略辯前五後三如餘處說 論世尊至速得解脫
演曰五明如來言音差別文中分二初問後答此初問
也 論善男子至三者本母 演曰後答有二初標列
揔答後依標別釋此即初也梵云素咀纜此云契經二
十五云謂能貫穿縫綴種種能引義利能引梵行真善
妙義是名契經又佛地論第一云能貫能攝故名爲經
以佛聖教貫穿攝持所應說義及所化生日之爲經契
理之經名爲契經依士釋能契即經是持業釋梵云毗

柰耶此云調伏調者和御伏者制滅調和控御身語等
業制伏滅除諸惡行故亦調亦伏持業釋也梵云摩呬
理迦此云本母八十五云摩呬理迦爲欲浹擇如來所
說如來所稱所讚所美先聖契經譬如無本母字義不
明了如是本母所不攝經其義隱昧義不明了與此相

瓊伽問地論義演卷第三十二第八張

素字号

違義即明了是故說名摩呬理迦 論世尊至云何本
母 演日後依標別釋文中分二初徵後釋此初徵也
論善男子至二十九事 演日後釋分三一釋契經二
釋調伏三釋本母初中分二初揔後別此初揔也 論

云何四事至菩提事 演日後別分三一釋四事二釋
九事三釋二十九事初中分二初徵後釋釋中四事者
一者聞經二者三寶三者三學四者三乘菩提 論云
何九事至諸衆會事 演曰二釋九事文中有二初徵
後釋釋中九事者一者施設有情事謂五取蘊二者彼
所受用事謂十二處三者彼生起事謂十二分緣起及
緣生四者彼生已住事謂四食五者彼染淨事謂四聖
諦六者彼差別事謂無量界即五無量也一者世界二
有情界三法界四所調伏界五調伏方便界七者能宣
說事謂佛及彼弟子八者所宣說事謂四念住等菩提

分法九者諸衆會事所謂八衆一刹帝利衆二婆羅門
衆三長者衆四沙門衆五四大王衆六三十三天衆七
摩天衆八梵天衆 論云何名爲至流轉因事 演曰
三釋二十九事文中有二初徵後釋此初徵也 論謂
依雜染至流轉因事 演曰後釋中分二初有四事明
雜染後有二十五事明清淨此即初也謂依雜染品有
攝諸行事即是五蘊彼次第隨轉事即是緣生即於前
二事中作我法想由此二執爲未來世流轉之因 論
依清淨品至法樂住事 演曰後有二十五事明清淨
文中有二初有四事明世間清淨後有二十一事明出

世清淨此即初也依清淨品有繫念於所緣事者即是
欲界聞慧繫心爲四念處境即於是中勤精進事者即
是恩慧心安住事者即是色界未至定現法樂住事者

瑜伽師地論義演卷第三十一第九張

素字號

即彼根本定也

論超一切苦緣方便事

演曰後有

二十一事明出世清淨文中分二初有十九事明其五
位後有二事顯勝外道初中分五一有一事明解脫分
二有四事明順決擇分三有四事明見道四有六事明
修道五有四事明無學道此即初也即順解脫分善與
彼衆生爲離苦緣名超一切苦緣方便事

論彼遍知

事至修習事

演曰二有四事明順決擇分即是知苦

斷集證滅修道知苦有三一顛倒所依處等知欲界苦
二依有情想等知色界苦三內離增上慢等知無色苦
修依處事者即斷集也作證事者即證滅也修習事者
即修道也 論令彼堅固至善巧事 演曰三有四事

明見道令彼堅固事者即真見道更不退爲異生類故
名爲堅固彼行相事者即相見道行相別故彼所緣事
者即相見道所緣之事已斷未斷觀察善巧者於相見
道中觀察見惑已斷修惑未斷 論彼散亂事至彼堅
牢事 演曰四有六事明修道彼散亂事者已出見道

未入修道中間暫起散亂心也彼不散亂事者即定數
也不散亂依處事者即定依處也不棄修習劬勞加行
事者即斷欲惑無閒解脫道也修習勝利事者即斷
上二界修惑無閒解脫道也彼堅牢事者即金剛無閒
道也 論攝聖行事至得涅槃事 演曰五有四事明
無學道攝聖行事者即根本智攝盡無生智也攝聖行
眷屬事者即後得智攝盡無生智也通達真實事者欲
入無餘應觀真實事也證得涅槃事者欲入無餘先入
滅定於本識中而般涅槃也 論於善說法至故名爲
退 演曰後有二事顯勝外道此中意說修前下品解

脫分善能超外道上品正見頂也及即於此不修解脫

瑜珈師地論義演卷第三十一第十張 素字號

分善即名爲退非起邪見過失故名爲退 論毘殊室

利至是名調伏 演曰二釋調伏文中分三一標二徵

三釋此初標也別解脫者謂別別防非名之爲別能防
所防皆得別稱戒即解脫解脫惡故別之解脫別屬所
防依主釋也別即解脫別即能防持業釋也及別解脫
相應之法者即別解脫中隨順所受戒法謂止持等諸
性遮戒及彼所引諸作持等性遮戒相守護奉行 論
世尊至幾相所攝 演曰二徵起 論善男子至捨律

儀故 演曰三釋有七一者說受戒儀式二者說隨順
四他勝處三者說隨順毀犯戒緣四者說凡夫有犯自
性五者說聖人無犯自性六者說出所犯罪七者說捨
律儀戒 論曷殊室利至彼勝利相 演曰三釋本母
文分爲二初揔標列後別解釋此即初也 論世俗相
者至事故 演曰後別解釋中文有十一段一釋世俗
相有其三種一說補特伽羅唐言數取趣二說遍計所
執三說依他作用 論勝義相者至真如故 演曰二
釋勝義相說七種真如 論菩提分法至所知事故
演曰三釋菩提分法所緣相即說一切所知之事 論

行相者至揔別故 演曰四釋行相文中分二初揔標
列後別解釋此即初也 論諦實者至及四種緣 演
曰後別解釋文分爲八一釋諦實二釋安住三釋過失
四釋切德五釋理趣六釋流轉七釋道理八釋揔別此
初六也或復安立一向等者此說記有四種一一向記
二分別記三反問記四捨置記此有二記一人四記二
法四記人四記者一問生者皆死耶荅言如是應一向
記二問死者復生耶荅言應分別有煩惱者死而復生
無煩惱者死而不生應分別記三問人爲殊勝應反問

彼汝何所方若方於天荅言爲劣若方於餘荅言爲勝
是反問記四問我爲有無應捨勿荅是捨置記法四記
者一問生者皆滅耶荅言如是亦一向記二問滅者復
生耶荅言應分別有因緣者滅而復生無因緣者滅而
不生二乘五蘊無大悲緣無餘依滅而更不生如來之
身但墮法數不墮生數有大悲故本願未盡有因緣故
滅而復生是分別記三問聲聞善心爲劣耶應反問彼
汝何所方隨方爲荅是反問記四問第六蘊爲善不善
應捨勿荅是捨置記或復安立隱密顯了記別差別者
記者明也別謂分別分明記別深密之義名爲記別餘

處所言不了義經名記別者謂以少言略記別故名不
了義不據分明說深密義名隱密記又如經說如來謂
諸大人受記汝阿逸多未來有王名曰穰佉當於是世
而得成佛名曰弥勒名顯了記故云隱密顯了記別差
別六者意趣理趣者對法第十二說有四種意趣由此
意趣故方廣分中一切如來所有意趣應隨決了何等
為四謂平等意趣別時意趣別義意趣衆生意樂意趣
平等意趣者如說我於今時曾名勝觀如來應正等覺
與彼法身無差別故別時意趣者如說若有願生極樂
世界皆得往生若暫得聞無垢月光如來名者即於阿

轉多羅三獲三菩提決不退轉如是等言意在別時故
別義意趣者如說一切諸法皆無自性如是等言不可
如文便取義故衆生意樂意趣者謂於一善根或時稱
讚爲令歡喜勇猛修故或時毀訾爲遮得少善生喜足
故爲貪行者稱讚佛土富樂莊嚴爲慢行者稱讚諸佛
或有增勝爲恒悔惱障修善者說如是言於佛菩薩雖
行輕毀然彼衆生亦生天趣爲不定種姓者捨離聲聞
下劣意樂故記大聲聞當得作佛又說一乘更無第二
三世有爲相者謂一生二滅三住異性由三世所顯由

未來世本無而生彼既生已落謝過去現在世法二相
所顯謂住及異唯現在法有住可得前後變異亦唯現
在故揔說住異而爲一相及四種緣者一因緣二等無
間緣三所緣緣四增上緣餘義如文思之可解 論道
理者至法介道理 演曰七釋道理文中有二初揔標
列後別解釋此初也 論觀待道理至作用道理 演
曰後別解釋文中分四一釋觀待道理二釋作用道理
三釋證成道理四釋法介道理此初二也觀待作用如
前二十五廣說更不繁述 論證成道理至證成道理
演曰三釋證成道理文分爲二初略明後廣釋此初也

論又此道理至名不清淨 演曰後廣釋有二初揔標
列後別解釋此初也 論云何由五至言教相 演曰
後別解釋文中分二初釋五種相清淨後釋七種相不
清淨初中分四一正釋五種二示相勸修三因申問答
四結成前義初中復三一徵二列三釋此初二也 論
現見所得至見所得相 演曰三釋中分五一釋現見
所得相二釋依止現見所得相三釋自類譬喻所引相
四釋圓成實相五釋善清淨言教相此即初也一切行
起盡遷流生滅名為無常一切行有漏逼迫自性皆名
為苦一切法揔無自在一常實我名為無我 論依止

現見至所得相 演曰二釋依止現見所得相有其三種一謂一切行皆剎那性二他世有性三淨不淨業無失壞性此上皆是能依所比知法由彼能依麤無常性現可得故由此因緣於不現見剎那細無常性可爲比度定知是有由諸有情苦樂果報種種差別依種種善惡之業現可得故由此因緣於他世不現見苦樂果報依善惡業可爲比度定知是有由諸有情若樂若苦淨不淨業以爲依止現可得故由此因緣於不現見若樂若苦淨不淨業無失壞性可爲比度定知是有此中超

閒用文如其次第智者詳矣 論自類譬喻至所引相
演曰三釋自類譬喻所引相謂於內外諸行聚中引諸
世閒共許無常喻不共許無常引諸世閒共許苦相喻
不共許苦引諸世閒共許不自在相即是無我喻不共
許無我餘文可解 論圓成實相至圓成實相 演曰
四釋圓成實相依前三理於所立義決定能成名圓成
實相 論善清淨至言教相 演曰五釋善清淨言教
相文易可知 論善男子至應可修習 演曰二示相
勸修 論世尊至有幾種 演曰三因申問答文中有
二初問後答此初問也 論善男子至一切智相 演

曰後答 論善男子至名為清淨 演曰四結成前義

由現量故結前現見所得相由比量故結前依止自類

圓成三相由聖教量故結前善清淨言教相由具三量

五相名為清淨 論云何由七至言教相 演曰後釋

七種不清淨文中分三一徵二列三釋此初二也 論

若一切法至可得相 演曰三釋中分二初別釋前四

相後合釋後三相初中有四一釋第三一切同類可得

相二釋第四一切異類可得相三釋第一此餘同類可

得相兼釋第六非圓成實四釋第二此餘異類可得相

兼釋第六非圓成實此即初也若一切法意識所識性

瑜伽師地論義演卷第三十二 第四張 素字号

者即是意識所量性也此犯因中共不定過如聲論師對佛法者立聲爲常所量性故喻如虛空比中常宗瓶爲異品所量性因於同異品皆遍共有九句因中第一句也指不定相云爲如瓶等所量性故聲是無常爲如空等所量性故聲是其常 論若一切法至異類可得相 演曰二釋第四異類可得相此犯因中四相違過第一法自相相違者如聲論師立聲爲常所作性故或勤勇無閒所發性故此因唯於異品中有是故相違由初常宗空等爲同品瓶等爲異品所作性因同遍非有

異品遍有九句因中第四句也應爲相違量云聲是無
常所作性故譬如瓶等由第二宗空爲同品以電瓶等
而爲異品勤勇發因於同遍無於異品電無瓶等上有
九句因中第六句也此之二因反成無常違宗所陳法
自相故名相違因故理門論云於同有及二在異無是
因反此名相違所餘皆不定此所作因翻九句中第二
正因彼同品有異品非有此同品非有異品有故此勤
勇因翻九句中第八正因彼同品有非有異品非有此
同品非有異品有非有此中略敘初一相違後三相違
如因明廣釋 論善男子至圓成實相 演日三釋第

一此餘同類可得相兼釋第六非圓成實前列但云此
餘同類不言一切異類後釋言此餘同類復云一切異
類此即前略後廣詞巧義深聖智所宣非相違故言此
餘同類者即同品一分轉一切異類者即異品遍轉此
犯因中同分異全不定過如聲生論對聲顯宗立聲非
勤勇無閒所發無常性故喻若電空此非勤宗瓶爲異
喻無常性因於同品電上有空上無異品瓶中一向是
有九句因中第七句也指不定相云爲如瓶等無常性
故彼是勤勇無閒所發爲如電等無常性故彼非勤勇
無閒所發
論又於此餘至圓成實相 演曰四釋第

二此餘異類可得相兼釋第六非圓成實前列後釋略

瑜伽師地論義演卷第三二 第五張 索

廣不同亦如上會言此餘異類者即異品一分轉一切
同類者即同品遍轉此犯因中異分同全不定過如聲
顯論對聲生宗立聲是勤勇無聞所發無常性故喻如
瓶等勤勇之宗以電空等而爲異品無常性因於同品
有於異品電等上有空等上無九句因中第三句也指
不定相云爲如電等無常性故彼非勤勇無聞所發爲
如瓶等無常性故彼是勤勇無聞所發 論非圓成實
至皆不清淨 演曰後合釋後三相此之後三通前諸

過故後合釋如文易知 論法令道理至法令道理
演曰四釋法令道理 論揔別者至究竟顯了 演曰
八釋揔別謂初揔標一句法已後後諸句差別分別廣
釋究竟顯了其義名揔別也 論自性相者至彼自性
相 演曰五釋自性相 論彼果相者至得彼果相
演曰六釋彼果相若世間道伏斷煩惱若出世道永斷
煩惱此辯斷德及所引發世出世間諸果功德此明智
德 論彼領受至開示相 演曰七釋彼領受開示相
謂即於彼以解脫智領受所得智斷功德爲他宣說
論彼障礙法至障礙法相 演曰八釋彼障礙法相如

又可解 論彼隨順法相至彼隨順法相 演曰九釋

彼隨順法相謂即於彼涅槃修隨順法多有所作名彼

隨順 論彼過患相至彼過患相 演曰十釋彼過患

相即前障法能爲過患名過患相 論彼勝利相至彼

勝利相 演曰十一釋彼勝利相即前能隨順法所有

功德名勝利相 論曼殊室利至甚深密意 演曰六

明不共隨羅尼義文中分二初問後答此初問也 論

佛告曼殊至能善悟入 演曰後答分二初長行正辯

後以頌結成初中分三一初聽許說二正爲解釋三結

答前問此即初也

論善男子至後淨先染

演日二

正爲解釋文中分三一明染淨一相二明迷真起妄三
明息妄歸真此即初也此明佛說染淨從緣無有自性
無性即空染淨平等染非染故不異於淨淨非淨故不
異於染實相門中何染何淨故知染淨本來一相非先
非後故仁王經云衆生未成佛菩提爲煩惱衆生若成
佛煩惱爲菩提 論凡夫異生至邪加行轉 演日二
明迷真起妄凡夫異生無明倒想迷自身中諸法實性
妄執我人起於分別以分別故廣作諸業於三界五道
受生死身如旋火輪無有窮盡 論若有如實至無有

加行 演曰三明息妄歸真若有如實知如是等者若
知是妄不造妄因妄因無故不受苦果苦果無故無慮
重身獲得一切煩惱不住最極清淨者即煩惱障離
諸戲論無爲依止無有加行者即所知障滅無爲法身
以爲依止無有加行任運成佛 論善男子至陀羅尼
義 演曰三結答前問 論今時世尊至無加行 演
曰後以頌結成此之三頌初一頌頌前若雜染法等次
一頌頌前凡夫異生等後一頌頌前若有如實等 論
今時鼻殊至生起之相 演曰七明如來心生起之相
文分爲四一問二答三徵四釋此初問也 論佛告曷

殊至猶如變化 演日二答 論世尊至心法生起

演日三徵 論善男子至有心生起 演日四釋分二

初法後喻此初法也 論善男子至心更生起 演日

後喻分二初喻後合此初喻也 論如是如來至心法

生起 演日後合可知 論世尊至爲無心耶 演日

八明化身有心無心文中分二初問後答此初問也

論善男子至依他心故 演日後答佛之化身無自依

瑜伽師地論義演卷第三十二 第十七張 素字号

心然依受用佛心對緣利物故云有依他心 論世尊

至有何差別 演日九明如來所行如來境界二種差

別文中分二初問後答此初問也 論善男子至二種

差別 演曰後答功德莊嚴清淨佛土名如來所行五

界差別利益有情名如來境界 論世尊至當知何相

演曰十明如來成等正覺轉正法輪入大涅槃三種皆

無二相文中分二初問後答此初問也 論善男子至

常示現故 演曰後答此約如來法化二身相對辯也

法身無三相名究竟淨化身有三相名常示現 論世

尊至有何因緣 演曰十一明如來法身遠生他福文

分爲二初問後答此初問云諸有情類但於化身見聞

奉事生諸功德如來法身於彼有情有何因緣令生福

等論善男子至所住持故 演曰後荅意云如來法身是彼有情增上所緣之因緣故遠生他福又彼化身是如來法身之力所住持故所以法身亦能生福 論世尊至無如來事 演曰十二明佛法身於光出像二乘解脫之身無如來事文中分二初問後荅此初問也論善男子至不彫飾者 演曰後荅分二初喻後合此初喻也譬如等無至放大光明者下釋云謂大威德有情所住持故即日月天子具大威德所住持故能放大光明此喻諸佛具大威德集成法身所住持故能放大光明諸有情業增上力故者由諸有情爲黑闇故修光

明業增上力故感彼日月頗胝迦寶放大光明此喻諸
有情修見佛行感彼法身放大光明非餘水火頗胝迦
寶者非餘水火頗胝迦寶能放光明此喻二乘解脫之
身不能放大光明又如從彼至出印文像者此喻如來
法身能出種種化身影像不從所餘不彫飾者此喻二

瑜伽師地論義演卷第三十二第十八張 素字号

乘解脫之身不能出種種化身影像 論如是緣於至

有如斯事 演日後合如文配喻可解 論世尊至有

何密意 演日十三明佛菩薩威德住持若道若行令

諸有情於三界中身財圓滿文中分二初問後答此初

問也 論善男子至無不下劣 演曰後答分二初正
答後結成此初也道謂十善行謂三業如來菩薩了知
此道此行是身財因為彼宣說於此道行順教修者於
一切處獲得身財無不圓滿據如是義名威德住持若
有衆生下反此可知 論善男子至身財下劣 演曰
後結成 論世尊至何事難得 演曰十四明穢土八
事易得二事難得淨土翻此文中文中分二初問後答此初
問也 論善男子至出現于世 演曰後答分二初明
穢土八事易得二事難得後明淨土二事易得八事難
得此即初也 論善男子至二事易得 演曰後明淨

土二事易得八事難得 論世尊至云何奉持 演曰

二請五經名文分爲二初問後答此初問也 論善男

子至汝當奉持 演曰後答 論說是如來至法身證

覺 演曰三時衆得益 上來決擇初持瑜伽處竟

論卷第七十九 攝決擇分中菩薩地第十一之八

論如是已說功德品決擇 演曰自下第二決擇持隨

法瑜伽處有其四品於中但決第四住品前三易故不

決擇也文中分二初牒前已說後正明決擇此即初也

論問如說五種至爲有差別 演曰後正明決擇文分

爲九一明世界差別二明菩薩依四種住能成四事三

明菩薩苦樂作意及住四明四上品障及除此障法五
明大地菩薩斷除四種微細隨惑六明十一地相七明
諸地修得等流成滿八明聲聞菩薩證法界別九明三

瑜伽師地論義演卷第三十二 第十九張

素字号

世三輪清淨初中分二初正釋後會違初中復二初問
後答此初問也 論答當言有差至得生於彼 演曰
後答已入第三地者此依七地中已入第三地即十地
中入初地也 論問若無異生至皆當往生 演曰後
會違文中分二初問後答此初問云若無異生菩薩及
非異生聲聞獨覺得生彼者何因緣故觀無量壽經說

凡生西方者有九品之人以九品人中通於小乘及異
生菩薩故彼經云上品生者得無生法忍須臾中間
遍十方界奉侍諸佛即得授記上品中生者經一七日
得不退轉經一小劫得無生法忍上品下生者經三七
日蓮華始敷了了方聞說法音聲經三小劫住極喜地
中品上生者應時即得阿羅漢果中品中生者經七日
華開得須陀洹果經半劫已成阿羅漢果中品下生者
經三七日已遇二大菩薩說法經一小劫成阿羅漢果
下品上生者經七七日華開經十小劫具得百法明門
得入初地下品中生者經六大劫蓮華乃敷聞二大菩

薩說法方發道心下品下生者經十二大劫蓮華乃開
聞二大菩薩說法方發道心 論答爲化懈怠至此中
密意 演日後答言密意作如是說者即密意作別時
意趣說也故對法第十二卷云別時意趣者如說若有
願生極樂世界皆得往生若暫得聞無垢月光如來名
者即於阿耨多羅三藐三菩提決不退轉如是等言意
在別時故又世親攝論第五卷云別時意趣者謂此意
趣令懶墮者由彼彼因於彼彼法精勤修習彼彼善根
皆得增長如有說言由一金錢得千金錢豈於一日意
在別時由一金錢是得千因故作此說此亦如是由唯

發願便得往生極樂世界當知亦尔 論復次菩薩至

瑜伽師也 論義演卷第三十一 第廿張 素字号

增上慧住 演曰二明菩薩依四種住能成四事文中
有二初揔標列名後別徵解釋此即初也 論云何極
歡喜住 演曰後別徵解釋文分爲二初明能成四住
後辯所成四事初中有四一明極歡喜住二明增上戒
住三明增上心住四明增上慧住初中分二初徵後釋
此初徵也 論謂諸菩薩至意樂清淨 演曰後釋
論云何增上戒住 演曰二明增上戒住文分爲二初
徵後釋此初徵也 論謂諸菩薩至正等菩提 演曰

後釋此住具性尸羅名圓滿戒遠離一切慳慳犯戒名
圓滿捨以圓滿言通戒捨故 論云何增上心住 演
日三明增上心住文中分二初徵後釋此初徵也 論
謂諸菩薩至如實正行 演日後釋 論云何增上慧
住 演日四明增上慧住文中有二初徵後釋此初徵
也 論謂諸菩薩至所得證智 演日後釋出過一切
聲聞等者出過二乘共所得證智四五六地相同二乘七
地已上出過於彼即於此中至及安立諦智者七地已
二遍觀安立及非安立二諦智也即於此中共所得智
者如前緣起善巧所得證智 論云何依此四住能成

四事 演曰後辯所成四事文中分二初徵後釋此初徵也 論謂諸菩薩至大菩提心 演曰後釋分四一釋依初住所成之事二釋依第二住所成之事三釋依第三住所成之事四釋依第四住所成之事此即初也 論依第二住至運運增長 演曰二釋依第二住所成之事 論依第三住至之所染汙 演曰三釋依第三住所成之事 論依第四住至如來妙智 演曰四釋依第四住所成之事則由此住清淨爲因不待餘住者在因頂故功能最勝不待所餘 論問菩薩至無分別

爲住 演曰三明菩薩苦樂作意及住有四問答如量
智名作意如理智名住 論復次菩薩至有深愛心

演曰四明上品障及除此障法文中有二初明四種上
品障法後辯四種淨除障法初文有三標徵及釋入菩
薩地及地漸次者初地名入餘九漸次 論爲欲對治
至三菩提 演曰後辯四種淨除障法文亦有三標徵
及釋如其次第除前四障 論復次已入至衆魔事業
演曰五明大地菩薩斷除四種微細隨惑文中有三標
徵及釋一者法愛者即於教法起愛名爲法愛三地尚
增入四地時方能永斷菩提分法特違彼故二者聲聞

獨覺相應作意者謂狀生死樂趣涅槃同下二乘狀苦
忻滅名相應作意彼障五地無差別道入五地時便能
永斷三者味著等至者即是定愛障地斷處與法愛同
如前已說四者衆魔事業者攀緣世事心動流散障修
觀行皆是魔事 論問已入初地菩薩當言何相 演
曰六明十一地相文有十一初明初地相二明二地相
三明三地相四明四地相五明五地相六明六地相七
明七地相八明八地相九明九地相十明十地相十一
明十一地相初中分二初問後答此初問也 論答當
言至極歡喜住 演曰後答超過一切所有怖畏等者

此地菩薩遠離一切五種怖畏遠離一切聞說甚深正
法驚怖聞未曾得無上正法如前本地分中四十七說
論問已入第二地菩薩當言何相 演曰二明二地相
文分爲二初問後答此初問也 論答當言至諸犯戒
垢 演曰後答二地菩薩於調伏中法尔獲得無悞犯
等名法尔獲得過彼小乘所學戒行名止息一切聲聞
所學 論問已入第三地菩薩當言可相 演曰三明
三地相文中分二初問後答此初問也 論答當言至
尔焰光明 演曰後答梵云尔焰此云所知則智光明

由此定力於所知境發智光明 論問已入第四地菩

薩當言何相 演曰四明四地相文分爲二初問後答

初問也 論答當言至安立善巧 演曰後答四地菩

薩自成道品爲他立教 論問已入第五地菩薩當言

何相 演曰五明五地相文中分二初問後答此初問

也 論答當言至極難勝道 演曰後答五地超過前

之三地世間智故又超四地二乘道品智故真俗兩智

行相乎還合令相應名極難勝 論問已入第六至當

言何相 演曰六明六地相文中分二初問後答此初

問也 論答當言至作意思惟 演曰後答六地菩薩

雖俱緣真俗然於無相多歸趣入論問已入第七至
當言何相 演曰七明七地相文中分二初問後答此
初問也 論答當言至到究竟 演曰後答世親云此
地初功用得至究竟雖一切相不能搖動而於無相猶
名有行 論問已入第八至當言何相 演曰八明八
地相文中分二初問後答此初問也 論答當言至住
清淨地 演曰後答無性云一切有相一切加行皆不
能動此地心故第七地雖一切相不能動之不現行故
然不自在任運而轉有加行故猶有煩惱第八地中任
運而轉不依加行無功用故亦無煩惱七八二地之差

別也 論問已入第九至當言何相 演曰九明九地
相文中分二初問後答此初問也 論答當言至名大
法師 演曰後答無性云由法無礙解自在知一切
法句由義無礙自在通達一切義理由詞無礙自在分
別一切言詞由辯才無礙遍於十方隨其所宜自在辯
說此中有四故字明四無礙次第如文言無罪者由慧
了達所詮之義悔先所犯得清淨故名爲無罪 論問
已入第十至當言何相 演曰十明十地相文中有二
初問後答此初問也 論答當言至亦名如來 演曰

後答已得一切如來同大灑者舊云灌頂今名大灑如
輪王太子坐白鳥寶妙金之座取四大海水置金瓶內
王執此瓶灌太子頂是時即名受王職位十地亦亦得
一切佛相稱妙座身諸眷屬得大光明往來普照一切
行相一切智智灌灑其頂是時即名受佛職位已得如
雲大法身者譬如大雲澍清淨水充滿虛空如是法智
出生無量殊勝功德充滿所證所依法身已得一切大
神通故亦名如來者十地菩薩得大神通住等地應同
於佛亦名如來 論問入如來至當言何相 演日十
一明十一地相文中分二初問後答此初問也 論答

當言至清淨智見 演日後答入十一地名爲妙覺

論問於此諸地至十法行 演曰七明諸地修得等流

成滿文中有四一明造修二明證得三明等流四明成

滿此即初也十法行者一者書寫二者受持三行供養

四施於他五能敬聽六自翫讀七爲諷誦八爲他說九

者思惟十隨修相亦可修十度法行名爲造修 論問

於此諸地至一切諸地 演曰二明證得又復證得清

淨意樂今時頓得一切諸地者諸地種子皆悉本有得

初地時一時熏發諸地種子皆令增長名爲頓得一切

諸地又或初地忻修十地之行雖未圓滿分得十地名

為頓得一切諸地 論問至諸加行道 演曰三明等

流一切十地中入住二心名為證得地果滿心名證得
已後即滿心中所有威德諸加行道是人住二心等流

瑜伽師地論義演卷第三十二 華品張

素字号

果也 論問於此諸地至任運能證 演曰四明成滿

於一一地中經多大劫隨諸經中所有稱讚諸地功德
能任運證是成滿相 論問如說五種至云何應知

演曰八明聲聞菩薩證法界別文分為二初問後答此
初問也言五種入正性離生者一預流果二斯陀含三
阿那含四獨覺五菩薩此中揔說五人為二謂前四為

聲聞後一爲菩薩也 論答略說法界至二者自相

演曰後答分二初揔標列後別解釋此即初也 論差

別相者至離繫法性 演曰後別解釋文分爲三一釋

差別二釋自相三揔料揀此即初也常住相者謂由人

空所顯真如如體是常無生無盡寂靜相者謂斷惑障

煩惱苦等離繫擇滅二乘在方便中求彼常住寂靜無

爲作涅槃想求後證具如故速趣滅度 論言自相者

至法無我性 演曰二釋自相菩薩在方便中但心推

求相等五法隨言自性空無所有由此悟入真如自相

都無求證常住寂靜涅槃意樂故不速求自身滅度

論此中聲聞至而有差別 演曰三摠料揀由無沒想者由於涅槃起常住想及安隱想者即於涅槃起寂靜安隱想或復因他為其宣說法界自相者於聲聞中有其二分一分不定種姓者聞佛說法界自相已迴向無上菩提極大艱辛然後悟入我法二空既得入已精勤修習一分一向趣寂聲聞者亦有二分一分雖聞說我法二空一向不信不能悟入一分極大艱辛少能悟入而不入已精勤修習下明菩薩如文易知 論如說三世至三輪清淨 演曰九明三世三輪清淨文中分三一問二答三結此初問也 論答由遍計至希望染著

演曰二答於過去等者謂於過去法中無有願戀未來

瑜伽師地論義演卷第三十二第廿五張

系字號

法中無有希望現在法中無有染著即說三世無願戀

希望染著故下第三結云是名三世三輪清淨 上來

第二決擇持隨法瑜伽處竟 論問如先所說至幾種

所攝 演曰自下第三決擇持究竟瑜伽處有五品今

但決擇第五建立品前四顯故不決擇也文中分二初

申二問後答二問初二問者一問安立二問相攝 論

答謂阿羅漢至一切永無 演曰後答二問文中有二

初辯安立以答初問後明相攝以答後問初復分二初

釋十八不共合之爲九後摠結成十八不共佛法初中
分九一明身無失二明語無失三明意無失四明無異
想五明無不定心六明無不擇捨七明六無減八明三
業隨慧行九明三無礙智此即初也 論又阿羅漢至
永無所有 演曰二明語無失 論又阿羅漢至永無
所有 演曰三明意無失 論又阿羅漢至平等捨故
演曰四明無異想 論又阿羅漢至無不定心 演曰
五明無不定心 論又阿羅漢至永無所有 演曰六
明無不擇捨 論又阿羅漢至如來永無 演曰七明
六無減一欲二精進三念四定五慧六解脫解脫知見

論言七種者於第六無減中開爲二故亦不相違 論
又阿羅漢至名智隨轉 演曰八明三業隨慧行如來
三業智爲前道及俱行故無無記業 論又阿羅漢至
境事差別 演曰九明三無礙智 論是故說此至不
共佛法 演曰後摠結成十八不共佛法 論此中初
四至妙智所攝 演曰後明相攝以荅後問文中有二
初正明義類相攝後兼辯隨好止繫此初也此中初四
即三業無失及無異想摠是無忘失法及拔除習氣所
攝次一即第五無不定心是大悲所攝也所餘十三當

知皆是一切種妙智所攝也 論又復世尊至彼諸隨
好 演曰後兼辯隨好止繫所說隨好者即八十隨好
爲令所化物機生淨信故顯示於彼八十隨好然不立
相者然於此中不立三十二相如本地分建立品中已
廣顯示從此隨好當知分出等者從此隨好當知即於
相中分出彼諸隨好 上來第三決擇持究竟瑜伽處
竟 論復次菩薩至所有教授 演曰自下第四依寶
積經決擇持次第瑜伽處文中有二初標列門名後依
門解釋此初也 論云何邪行 演曰後依門解釋文
有十六一明邪行門二明正行門三明正行勝利門四

明正行中現在轉時所得功德勝利門五明能生
淨信譬喻門六明於正行中安立所學門七明於諸聲
聞所學菩薩所學殊勝差別門八明善學菩薩世間出
世間利益他事門九明於菩薩所教授中聲聞所學門
十明非善學沙門門十一明善學沙門門十二明住世
俗律儀門十三明住勝義律儀門十四明如來調伏方
便門十五明密意語門十六明於菩薩教授中勝解勝
利門初中有二初徵後釋此初徵也 論當知略說至
其義邪行 演日後釋分二初揔標列後別解釋此即
初也 論復次菩提至智資糧退 演日後別解釋文

分爲八一者能退資糧邪行二者能令忘念邪行三者
能壞白法邪行四者能令非菩薩儀惡意現行邪行五
者能令難可調伏邪行六者能令於非道邪行七者能
令親近不賢良邪行八者能令菩薩不如其義邪行初
中有三一明四法能退資糧二明因退生四相違三明
四種退法體性初中分二初揔標後別釋此即初也
論何等爲四至智資糧退 演日後別釋分三一徵二
列三結如次文易可知 論四種法故至智相違法
演日二明因退生四相違文中有一標舉四相違法

二徵列四相違名三出四得名所因此即初也論何

等爲四至四者顛倒演曰二徵列四相違名論自

不聽聞至更增顛倒演曰三出四得名所因論自

不聽聞至宣說故演曰三明四種退法體性文中有

二初正明四法退體後結退三慧資糧依自惡通達等

者謂依自邪惡通達領解聽聞宣說言教執爲正善通

達領解聽聞宣說言教依他正善通達領解聽聞宣說

言教執爲邪惡通達領解聽聞宣說言教論此中若

自至成智資糧演曰後結退三慧資糧論復次有

四至補特伽羅演曰二者能令忘念邪行文中有二

初揔標列後別解釋此初也 論謂於同梵至所有密
處 演曰後別解釋依列有四一於同梵行所他舉其
罪別作異言迷亂自過二於教導師處不正領受以邪
迷亂正所學處三於彼大乘欲決定者欲正行者顯說
三乘無別標舉分別彼人諸過失故發起迷亂決定大
乘正行人也四於能說法有德人所迷亂顯彼所有隱
密處過 論復次有四至壞鮮白法 演曰三者能壞
白法邪行文中有二初揔標舉後別解釋此初也 論
謂與他競至非處加行 演曰後別解釋文復分二初
於四法中別解初一後於四法中別解後三此初也一

起白法時與他諍競增上力故起諸白法非處加行能
令菩薩壞鮮白法 論雖起白法至受持過失 演曰
後於四法中別解後三文中有二初揔標列後別解釋
此初也 論由二因緣至多雜處故 演曰後別解釋
文分爲三一 洩著過失二惡見過失三受持過失此初

瑜伽師地論義演卷第三十二第廿八張

藏字號

也由有二緣一邪受用者如得施時以財行恩布施名
邪受用二多雜處者在憤鬧處不擇善惡邪正是非而
相招誘名多雜處由此二緣雖起白法處所加行然有
洩著邪行過失能令菩薩壞鮮白法 論由二因緣至

爲正法故 演曰二惡見過失亦由二緣雖起白法處
所加行然有惡見邪行過失能令菩薩壞鮮白法 論
由二因緣至懸誹撥故 演曰三受持過失亦由二緣
雖起白法處所加行然有受持邪行過失能令菩薩壞
鮮白法 論復次菩薩至惡意現行 演曰四者能令
非菩薩儀惡意現行邪行文中分二初揔標列後別解
釋此初也 論由三種相至尊勝得智 演曰後別解
釋文中有三一於大師所生不信順二於舉罪師不實
發露三於大智福不求智行此初也謂於有體尊勝得
智者如次即是有體有德有能也 論由三種相至作

損惱故

演曰二於舉罪師不實發露論由二種相

至忻樂彼故

演曰三於大智福不求智行謂於有智

有福人所貪求利敬不求智行及忻樂彼敬已德故第

四易故文略不釋

論復有四種至安住見取演曰

五者能令難可調伏邪行文中分二初揔標列後別解

釋此初也

論謂但聽聞至及斷滅勝演曰後別解

釋如文易知

論復次菩薩至行於非道演曰六者

能令於非道邪行文中分二初揔標後別釋此初也

論一者於未至敬所學故

演曰後別釋一於未立信

者不爲說法發彼信心二有迴小向大者不能隨其所

宜稱讚爲善三有退大求小者不能毀小讚大捨劣從
勝四於住禁戒不住禁戒而由貪愛朋黨心故應讚不
讚應毀不毀不平等說 論復次菩薩至退失四事

瑜伽師地論義演卷第三 第十九張 素

演曰七者能令親近不賢良邪行文中分二初揔標後
別釋此初也 論一者退失至修諸善法 演曰後別
釋 論復次有四至管御大衆 演曰八者能令不如
其義邪行文中分二初揔標列後別解釋此初也 論
謂諸菩薩至非如其義 演曰後別解釋 論復次云
何正行 演曰二明正行門文中分二初徵後釋此初

徵也 論謂與上相違至是名正行 演曰後釋分二
初揔標八正翻前八邪後別辯八正舉邪顯正此初也
論謂說由自至是故退失 演曰後別辯八正舉邪顯

正文分爲八一舉退資糧邪行以顯正行二舉忘念邪
行以顯正行三舉壞白法邪行以顯正行四舉非菩薩
儀惡意現行邪行以顯正行五舉難可調伏邪行以顯
正行六舉於非道邪行以顯正行七舉親近不賢良邪
行以顯正行八舉不如其義邪行以顯正行此初也文
有四句一由自不聞令智退失於正法人若不恭敬若
不往聽由此毀犯設不毀犯然由不聽亦無勝解是故

退失二由不令聞令智退失由欲令他信伏已故恐他
餘聽由此毀犯設不毀犯迴彼聽人向已邪法是故退
失三由爲聞障令智退失由自不欲不聞不持故作他
聽聞障礙由此毀犯設不毀犯由自懈怠懶墮障他聽
法是故退失四由邪執而有聽聞令智退失由於修不
見功德但聞言說以爲究竟由此毀犯設不毀犯智不
成實是故退失 論復說由於至而有忘失 演日二
舉忘念邪行以顯正行亦有四句一由於舉罪者所迷
亂自過令念忘失由犯根本殺罪於舉罪者所而設妄
語言不殺等然本無妄語心但爲怖畏棄損呵責而設

妄語由此毀犯由業障故有所忘失設不毀犯妄語由

瑜伽師地論義疏卷第三十三第卅張

卷 号

犯根本殺罪障故而有忘失二由迷亂學處令念忘失
於教導師由非自性隨轉虛妄見曲所顯由此毀犯由
業障故有所忘失設不故心毀犯由候犯障故而有忘
失三由於大乘迷亂勝解正行令念忘失由於發菩提
心學大乘法修大乘行向彼說言三乘無別於菩薩人
不生恭敬隱覆實德由此毀犯由業障故有所忘失設
不故心毀犯由候犯障故而有忘失四由迷亂顯隱密
處令念忘失由欲令於大乘法師不生樂欲故顯彼過

由此毀犯由業障故而有忘失設不故心毀犯由悞犯障故而有忘失 論復說由非處至獲得衰損 演曰三舉壞白法邪行以顯正行文有四句一由樂小聽法心不謙下由此毀犯由未得諸勝善鮮白法故樂著己利與他共諍於所聽受生奢緩故於先已得下中白法今皆退失名已得退二由染愛過失壞鮮白法三由惡見過失壞鮮白法由懷惡意於聲聞所學不正言正於大乘所學正言不正其心顛倒由此毀犯由不正行由誑他故得衰損果四由受持過失壞鮮白法由於如來智意趣中起等覺慢執不了義謂如佛意我實解故由

此毀犯由謗正法撥了義經得褻損果由於如來智意
趣中讚不了義爲是撥了義爲非邪稱量故得褻損果
論復說由於至行不明了 演曰四舉非菩薩儀惡意
現行邪行以顯正行文有四句其意易知 論復說由
唯至御衆善友 演曰五舉難可調伏邪行以顯正行
文有四句一由唯聽聞以爲究竟障於修行名爲修障
矯誑顯示持法善友者由執聽聞爲究竟故矯誑顯我
是持法善友二由於教授左解者錯領解故名爲左解
矯誑等者謂矯誑顯我是住阿練若善友三由於尸羅

不堅安住障於修行名爲修障矯誣等者矯誣顯我是
勤修福業善友四由自見安住見取乃至矯誣顯我是
御衆善友 論復說由不宣說至行於非道 演日六
舉非道邪行以顯正行文中分四一標二徵三釋四結
此初標中文有四句一於未安立淨信有情而不爲說
二於下乘希求大乘諸有情所不隨所宜而爲說法讚
所行善三於大乘希求下乘諸有情所不順其儀呵退
大求小之過四於住禁戒不能讚勵不住禁戒不能呵
諫 論此何四緣 演日二徵也 論由前後宣說至
行所顯故 演日三釋 論由此毀犯至諸有情類

演曰四結有四句如次結上四句可知 論復說由四

至退失四事 演曰七舉親近不賢良邪行以顯正行

文分爲四一標二徵三釋四結此初也 論此何因緣

演曰二徵 論由慳慳至所顯故 演曰三釋有四句

一由慳慳退失於棄二少聞退失利益有情加行三不

善入聖教退失聖教四於佛語言不聽聞故退失無聞

修諸善法 論由此毀犯至而有退失 演曰四結有

五句通結上四句也 論復說由於至不如其義 演

曰八舉不如其義邪行以顯正行文中有四一標二徵

三釋四結此初有四句一任持正法欲求信伏二住阿

練若欲求聲譽三勤修福學欲求津果四管御大衆欲
求供養承事名稱 論此何因緣 演曰二徵 論由
與我愛至所顯故 演曰三釋如次釋前四句可解
論由此毀犯至乃至御衆 演曰四結 論復次云何
正行勝利 演曰三明正行勝利門文中分二初徵後
釋此初徵也 論此亦四種至無量福故 演曰後釋
分二初揔標四法後別釋四法此初也正行能成四種
勝利又能生長無量福故 論復有四法至修清淨
演曰後別釋四法於四法中名有四法一四法能令積

集福智資糧二四法能令障淨三四法能令一切門集成白法四四法能令作一切種利有情事此即初也

論復有四法至正行因緣 演曰二四法能令障淨

論復有四法至即彼所成 演曰三四法能令一切門

集成白法一者修修所成者因於修慧修成所餘白法

二者成熟有情即彼所成者因成熟他有情即能成自

白法三者堪忍難事即彼所成者因忍難事成餘白法

四者聞思無厭即彼所成者因聞思無厭成餘白法

論復有四法至嗔恚心處 演曰四四法能令作一切

種利有情事 論復次至功德勝利 演曰四明正行

中現在轉時所得功德勝利門文中分二初徵後釋此
初徵也 論謂具法行至法住行相 演曰後釋分二
初揔標列後別解釋此初也 論云何菩薩至此何行
相 演曰後別解釋文分爲四一明具法行二明具平
等行三明具善行四明具法住行初中分二初徵後釋
此初徵也 論謂諸菩薩至無傾動故 演曰後釋
論云何菩薩至此何行相 演曰二明具平等行文中
分二初徵後釋此初徵也 論謂諸菩薩至大菩提故
演曰後釋以無染汙無差別身等者以無染汙同體大
悲願與羣生一時同得無上菩提如次則三無差別也

論云何菩薩至此何行相

演曰三明具善行文中分

二初徵後釋此初徵也

論謂諸菩薩至善巧故

演

曰後釋言無所依止而惠施者如現無依諸福業事施
主遠處心雖不緣受者用時施主要期緣今具故種子
增長增長福業言無所依止而持戒者如受戒時第三

瑜伽師地論義演卷第三十二第卅三張

李字号

羯磨雖住無心由前要期緣今時具種子雖無現行熏
習亦得念念體性倍增即作白前從僧乞戒時心所發
故闍梨作白已後其受戒者或無心故 論云何菩薩
至此何行相 演曰四明具法住行文分爲二初徵後

釋此初徵也 論謂諸菩薩至十二行相 演日後釋
十二行中前八自利後四利他言及與所餘共止住者
與餘資具等共住故 論復次云何至所有譬喻 演
曰五明能生淨信譬喻門文中有二初徵後釋此初徵
也 論謂諸菩薩至猶如大地 演日後釋分三一舉
共所知喻二結同世間喻三結喻所不及初中有十九
段一猶如大地喻二猶如大水喻三猶如大火喻四譬
如大風喻五猶如朗月喻六猶如日輪喻七譬師子喻
八如善調龍喻九如紅蓮花喻十樹根未壞喻十一衆
流入海喻十二天依蘇迷喻十三臣輔大王喻十四猶

如大雲喻十五輪王出世喻十六末后珠寶喻十七雜
林諸天喻十八呪伏諸毒喻十九大城諸糞喻此即初
也 論而諸菩薩至猶如大水 演曰二猶如大水喻

論而諸菩薩至猶如火 演曰三猶如火喻 論

而諸菩薩至辟如大風 演曰四辟如大風喻 論而

諸菩薩至猶如朗月 演曰五猶如朗月喻 論而諸

菩薩至猶如日輪 演曰六猶如日輪喻 論而諸菩

薩至辟如師子 演曰七辟如師子喻邏怙者舊云羅

睺阿修羅王也日輪非情不能生怖由日天子怖邏怙

手提即便施輪 論而諸菩薩至如善調龍 演曰八

如善調龍喻師子怯於大檐者西國深山多有師子師
子行處即有野干隨覓殘肉師子後時殺一大鹿令野
干檐野干心念死鹿既大我不能勝若不許檐復當殺

瑜伽師地論義演卷第三十三第四張

三十三

我即便設計語師子言我爲兄檐兄隨我後呻喚而行
云助我力師子念言我寧自檐不能在後呻喚隨行於
是野干免檐師子疲乏怯於大檐 論而諸菩薩至如
紅蓮花 演日九如紅蓮花喻 論而諸菩薩至根未
損壞 演日十樹根未壞喻 論而諸菩薩至趣入大
海 演日十一衆流入海喻 論而諸菩薩至依蘇迷

住 演日十二天依蘇迷喻

論而諸菩薩至所輔大

王 演日十三臣輔大王喻

論而諸菩薩至猶如大

雲 演日十四猶如大雲喻

論而諸菩薩至出現於

世 演日十五輪王出世喻

論而諸菩薩至如末后

寶 演日十六末后寶珠喻非如輪王無有第二大

者無二輪王同時出故 論而諸菩薩至林諸天 演

日十七雜林諸天喻迦理沙是數名般拏是貝珠名末

后極貴般拏極賤故不相似 論而諸菩薩至所伏諸

毒 演日十八呪伏諸毒喻 論而諸菩薩至諸糞穢

聚 演日十九大城諸糞喻 論如是菩薩至故得爲

喻 演日二結同世間喻 論而此功德至所不能及
演日三結喻所不及

瑜伽師地論義演卷第三十二